

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 70 (2008)

Heft: 4: Jahr der Mathematik

Rubrik: Pagina Rumanschta

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.07.2025

ETH-Bibliothek Zürich, E-Periodica, <https://www.e-periodica.ch>

Fantom «qualitad»

in plaid per l'entschatta digl onn da scola

DA MARTIN MATHIET

Tochen ch'jeu devel aunc scola era quei mintg'onn il medem; la fin digl onn da scola erel jeu bi leds ch'ei deva vacanzas – mo cuort suenter 1. d'uost seregheliava il gust ed igl anim per gl'onn niev puspei. Cun ardur mavel jeu vid la preparaziun e planisazion digl onn niev. Secapescha adina cun la perschuaioni e l'intenziun da far buna lavour – respectiv da far mi'instrucziun d'aulta qualitad. Mo era sch'jeu erel perschuadus da mia lavour – buca tuts (ed oravontut «tuttas») eran da miu meini e magari stuvel jeu acceptar critica. Mia disillusio era – suenter haver luvrau sc'in morder – magari gronda ed jeu durmevel meinsvart

mal. Magari savevel jeu buca capir ch'ins sappi esser d'in auter meini quei che partegn «qualitad dalla scola». Denton hai jeu acceptau che «qualitad da scola» ei in fantom subjectiv che mintgin(a) definescha empau sco el vul – fetg dependent dall'atgna situaziun!

Delia, la feglia dall'emprema classa da miu vischin, ha detg tscheidi alla scolasta; «Ti eis buca ina buna scolasta!» Quei ha dau la caniala; la scolasta ha citau ils geniturs, schau saver tgei frehadad quei seigi d'ina pischarotta dall'emprema da disqualificar ella sin tala moda – e lu aunc avon tut tschels affons. Ella seigi s'engaschada cun «tgierp ed olma» e «vivi per la scola» ed accepti buca da quellas

renfatschas nungiustificadas d'ina buoba bletscha. Ella furia ha ella alzau la vusch e bunamein craschlau si per bab e mumma dalla Delia; ei detti plunas da scolastas e scolastas ch'instrueschien senza la patenta corrispondenta – quei seigi manco da qualitad. E si Duvin detti aunc adina ina scola cumplessiva – quei stuessi esser scumandau – muort munconza da qualitad. Ed insumma classas cun varga vegn scolars seigi in «schan ed ina vergugna» per ina scola grischna.

Mo ils cussegls da scola hagien buc idea e seigien surdumandai ed il meinascola seigi scolast secundar e capeschi «dils pigns» ina pipa tubac. Era sch'il Departement d'educaziun propagheschi d'installar meinascolas, il fatg seigi che quei effectueschi dipli problems che sligaziuns, ed insumma, ella lessi finalmein luvrar en tutta ruasseivladad.

Sch'jeu patratgel anavos a mes temps da scolast hai jeu pil ver capientscha per quella paupra scolasta! Mo denton ein ils temps semidai empau!

In bien criteri per «qualitad professionala» dil personal d'instrucziun ha il cau dil departement d'educaziun dil cantun Aargau, Rainer Huber, allegau a caschun dalla radunanza da delegai digl LCH dacuort: ...Daneben brauche es allerdings auch «die Fähigkeit, sich mit einer gewissen professionellen Gelassenheit einzugehen, dass man nicht immer in allen Fällen in der Lage ist, sämtlichen Anforderungen und Bedürfnissen gerecht zu werden».

Quella «quieteza professionala» giavischel jeu a Vus egl onn niev da scola! – quei denton sco competenza e buca sco stigsa marscha!



RANGAZIUN PLEMA D'AUR 2008

■ 16 da november allas 16.00 el Center da lungatg, cultura e formaziun, Via curtgin pign 35 7031 Laax (anteriur hotel Arena Alva)

Plema d'aur e Miur romontscha 2008

Per la tiarza gada vegnan las meglieras lavurs publicadas en in cudischet.

Biebein 40 persunas da tuttas vegliadetgnas expriman en quei cudisch lur sentiments, descrivan evenimenti, relatan d'experiencias e siemian d'utschals barsai e dalla tiara dalla cucagna.

Plema d'aur 2009 e Miur romontscha 2009

La Lia Rumantscha envida Tei alla concurrenz litterara romontscha. Quella ei aviarta per in e scadin. Per la quarta gada vegnan las meglieras lavurs publicadas en in cudischet.

- inoltrescha tiu text currigiu 3 x sin pupi ed 1x sin disc cumpact (!).
- (raquintaziuns, novellas, historias cuortas, satiras, poesias, teaters)
- indichescha sil text mo tiu pseudonim (buca tiu num endretgl!)
- tias personalias (prenum, num, adressa, np, liug, telefon, e-mail e tiu pseudonim) mettas en ina cuviarta separada.

davos termin d'inoltrar ils texts ils 31 da schaner 2009

inoltrar tier

Lia Rumantscha Surselva

Via Curtgin pign 35, 7031 Laax
telefon 081 920 80 70, telefax 081 921 80 72
Irsurselva@rumantsch.ch, www.Irsurselva.ch

categorias Plema d'aur 2009

- A: affons da 7-9 onns
- B: affons da 10-12 onns
- C: giuvenils da 13-16 onns
- D: carsohi da 17 ed ensi

categoria Miur romontscha 2009

- E: tgj ha la pli biala pagina d'internet romontscha? Annunziei l'adressa da Vossa pagina d'internet e già essas en concurrenz!